

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....

DIARIO



DI ARUBA

Bo Matutino Nétamente Arubiano

DIALUNA 22 FEBRUARI 1988

ABONADO PA LUNA 15,00 FLS. * EJEMPLAR 0,60


AÑA 8, No. 2216

Desesperacion a pone fin na un bida joven

DETENIDO A HORCA SU MES DEN CEL



La Hoja a transporta e morto di e joven David Gregory Corea pa hospital. Fiscal a confisca e morto.



David Gregory Corea

ORANJESTAD(AAN)—
E tabata drumi su so den
cel, ora e agentenan pol-
icial a controla e celnan
mas o menos 3.10 or di
atardi.

Binticinco minuut des-
pues durante e ultimo con-
trol, el a worde haya horca
na su propio carson.

Investigacion a indica cu
el a kita su carson, mare na
e trali ariba di e cel y den e
otro buraco di e carson el
a pasa su garganta y asina
pone fin na su bida.

Na warda di Polis por a
nota na cara di e agente-
nan policial cu tabata trata
aki di un caso lamentable.
Dia 27 di December 1987

Sigui lesa pag. 12

MAYORNAN DI RUDY CROES TA RESPALDA SU CANDIDATURA



Ariba e foto por mira e momento cu e Director di
DIARIO ta entrevistando Don Francisco Croes,
carinosamente yama "Panchico". Relato ariba pag. 3

RUDY CROES A HACI ENTRADA DEN POLITICA

ORANJESTAD (AAN)
Diabierna anochi, na
cas di Mr. Rudy Weber,
a tuma lugar un Barbq na
honor di e entrada di
Rudy Croes (ruman di
difunto Betico) den poli-
tica.

Dilanti di un gran con-
currencia di simpatizante-
nan y colaboradornan,
Rudy Croes a haci su
entrada den politica
dunando un discurso cu a
ser bastante aplaudi pa
motibo di su tono modera
y di bon contenido.

Den presencian di amig-
nan y familiarnan, cu a
acudi den gran cantidad
pa desea Rudy exito den
e carera cu el a dicidi di
emprende, e candidato
a duna un splicacion breve
di e puntonan principal
cu e lo pone ariba su
agenda di campaña:
e base economico di Aruba
cu mester ser expandi.

Sigui lesa pag. 6


GOBIERNO A KITA DR. BERLINSKI FOR DI TRABAO

ORANJESTAD (AAN)—
Diabierna ultimo Dr.
Lenny Berlinski Lider di
P.D.A. a haya su retiro for
di Gobierno via di un
Landsbesluit.

Docter Berlinski ta con-
sidera e retiro for di tra-
bao como persecucion po-
litico cu ta sigui den full
swing.

"Henny Eman y Watty
Vos a inventa e wega sushi
pa deshaci di Dr. Berlinski
como politico y door di
cual acto maligno Dr. Ber-
linski mester a bay 16 dia
sera den prison. Atrobe
e excelencia di Husticia
den su afan pa molestia y
imposibilita e lider di PDA
den su trabao como politi-
co y medico a bolbe back
den su acostumbrada wega
di maldad," segun e lider
di P.D.A. Dr. Berlinski.

Segun Dr. Berlinski, di-
repente Diabierna ultimo



Ministro Vos a manda un
carta (Landsbesluit 9 fe-
cha 10 di Februari 1988
pa Dr. Berlinski den cual e
ta worde participa cu e a
worde kita for di trabao
como Docter di Gobierno
y tur esaki cu forza retro-
activo te 5 di Juli 1986.

Dr. Berlinski a entrega
e carta di retiro na su abo-
gado pa entama un caso
mas contra Gobierno.